

尚書今古文注疏

二



尙書今古文注疏目錄

卷一

堯典第一上

堯典第一下

卷二

皋陶謨第二上

皋陶謨第二中

皋陶謨第二下

卷三

禹貢第三上

禹貢第三中

尙書今古文注疏

目錄

禹貢第三下

卷四

甘誓第四

卷五

湯誓第五

卷六

盤庚第六

卷七

高宗彤日第七

卷八

西伯戡黎第八

卷九

微子第九

卷十

泰誓第十

卷十一

牧誓第十一

卷十二

洪範第十二上

洪範第十二下

卷十三

金縢第十三

卷十四

大誥第十四

尚書今古文注疏

目錄

卷十五

康誥第十五

卷十六

酒誥第十六

卷十七

梓材第十七

卷十八

召誥第十八

卷十九

洛誥第十九

卷二十

多士第二十

卷二十一

無逸第二十一

卷二十二

君奭第二十二

卷二十三

多方第二十三

卷二十四

立政第二十四

卷二十五

顧命第二十五

顧命第二十五下

卷二十六

費誓第二十六

卷二十七

呂刑第二十七上

呂刑第二十七下

卷二十八

文侯之命第二十八

卷二十九

秦誓第二十九

卷三十

書序第三十上

書序第三十下

尙書今古文注疏

卷三

禹貢第三上 虞夏書三

疏

貢者廣雅釋詁云上也。稅也。釋言云。獻也。楚語。觀射父曰。天子之田九畝。王取經入焉。以食萬官。注云。經常也。常入征稅也。詩甫田傳云。彼太古之時。以丈夫稅田也。歲取十千。於井田之法。則一成之數也。九夫爲井。井稅一夫。其田百畝。井十爲通。通稅十夫。

其田千畝。通十爲成。成方十里。成稅百夫。其田萬畝。欲見其數。從井通起。故言十千。上地殷畝一鍾。隳此。則黃帝制井田。當有稅夫之法。即貢也。史記五帝本紀云。軒轅乃習用干戈。以征不享。索隱云。謂征諸侯之不朝享者。本或作享。案考工記注。鄭司農云。箕諷爲。則享卽箕。顧命所謂一二臣衛。敢執壤奠。鄭注以爲享禮亦貢也。古有稅民之法。及諸侯貢法。堯時遭洪水。不能修其制。至禹始更作之。夏本紀云。禹乃行相地宜所有以貢。及山川之便利。詩韓奕云。維禹甸之。箋云。禹甸之者。決除其災。使成平田。定貢賦於天子。孟子滕文公篇云。夏后氏五十而貢。殷人七十而助。周人百畝而徹。其實皆什一也。注云。良耕五十畝者。貢上五畝。古以貢當稅。卽經所言賦。凡貢之物。不在賦外。故孟子云。夏貢什一也。

禹敷土

史

遷敷作傳。馬融曰。敷。分也。鄭康成曰。敷。布也。布治九州之水土。敷一作溥。

疏

史公敷作

紂云。禹乃遂與益后稷奉帝命。命諸侯百姓。與人徒以傳土。傳與敷音相近。蓋釋傳爲治也。孟子滕文公篇云。舉舜而敷治焉。注引經云。是言治其土也。廣雅釋言云。傳。敷也。治水土非一人之力。故奉帝命。與人徒。馬注見史記集解。云分者。言分爲九州。漢書地理志注。

云數分也。書序云禹別九州。馬義所本。鄭注見周禮大司樂疏。云數布者。山海經海內經云。帝乃令禹卒布土以定九州。布土卽敷土。詩傳云。敷布也。說文云。專布也。敷。敷也。書傳以數爲專。音相近。假借字。又鄭注周禮大司樂云。禹治水傳土。言其德能大中國也。商頌長發云。禹敷下土方。箋云。禹敷下土。正四方。廣大其竟界之時。始有王天下之萌兆。鄭意又以敷爲大者。詩傳云。溥大。詩釋文引韓詩數敦淮漬云。數大也。荀子成相篇作溥。隨山刊木。史遷隨作行。刊作

表。鄭康成曰。必隨州中之山而登之。除木爲道。以望觀所當治者。則規其形而度其功焉。刊一作榮。亦

作榮。

疏

史公說隨爲行者。廣雅釋詁云。隨。行也。淮南修務訓。隨山架木。高誘注。隨。循也。循義近行。刊爲表者。周語云。道無列樹。注云。古者列樹以表道。刊。蓋削而識之。鄭注見書疏。以刊爲除者。春秋左氏襄廿五年傳云。井堙木刊。注云。刊。除也。刊。說文

作榮。云。槎。識也。引此文讀若刊。篆又作榮。又云。槎。斲也。魯語云。山不槎蘄。注云。槎。斲也。槎。識者。斲木爲識。卽表道也。管子形勢解云。禹身決瀆。斬高橋下。以爲民利。蓋古說以刊木爲斬高木以橋下隰也。

奠高山大川。史

遷說奠爲定。大傳說高山大川五嶽四瀆之屬。馬融曰。定其差秩。祀禮所視也。

疏

史公說奠爲定者。周禮司市云。平肆展成。奠。奠注云。

奠。讀爲定。杜子春云。奠當爲定。是奠與定通也。大傳說高山大川爲五嶽四瀆者。見史記集解。今大傳說文。大傳云。五嶽謂岱山。霍山。華山。恆山。嵩山也。江淮河濟爲四瀆。五嶽視三公。四瀆視諸侯。其餘山川視伯。小者視子男。見白虎通巡守篇。五嶽以南嶽爲霍山。今文家說也。見堯典疏。馬氏注見史記集解。書疏及王制疏。引鄭注大傳云。所視者。謂其性幣。樂盛。蓬豆爵獻之數。非謂尊卑足證馬義也。

冀州既載。

注

史遷說爲禹行自冀州始。冀州

既載。馬融曰。載。載于書也。鄭康成曰。兩河間曰冀州。不書其界者。時帝都之。使若廣大。然載之言。事。

謂作徒役也。禹知所當治水。又知用徒之數。則書於策。以告帝。徵役而治之。

疏

說文云。冀。北方州也。淮南子地形訓云。正中冀州曰中土。

注云。冀大也。四方之主。故曰中土也。呂氏春秋有始覽云。兩河之間。爲冀州。晉也。注云。東至清河。西至西河。書疏引李巡云。兩河間其氣清。勝性相近。故曰冀。冀近也。釋名云。冀州。取地以爲名也。其地有險有易。帝王所都。亂則冀治。弱則冀強。荒則冀豐也。按鄭注。舜肇十有二州。云舜於舊九州外。分青州爲營州。冀州爲并州。幽州。至夏仍合爲九。則禹貢冀州。兼幽并二州之地。故說文以爲北方州。字从北也。史公說爲自冀州始者。詩傳云。載始也。則史記下云。冀州既載。說爲冀州既始耳。馬注見釋文。云載於書者。春秋左氏僖六年傳云。載在盟府。注云。載。載書也。鄭注見史記集解。又見公羊傳莊十年疏及書疏。云兩河間曰冀州者。用釋地文。云不書其界者。據下兗州有云。濟河惟兗州。海岱惟青州。已下諸州皆書其界。則此亦當以山河爲界。而不書之。使若廣大也。云時帝都之者。春秋左氏哀六年傳。引夏書曰。惟彼陶唐。有此冀方。注云。唐虞及夏同都冀州。疏云。堯治平陽。在冀州也。地理志云。河東本唐虞所居。詩風唐魏之國也。又平陽。應邵曰。堯都也。在平河之陽。郡國志太原郡晉陽。本唐國。注云。毛詩譜曰。堯始都於此。後遷河東平陽。平陽故城在今山西臨汾縣西南。云使若廣大者。高誘注淮南云。冀大也。義與鄭同。云載之言事者。周書謚法云。載。事也。漢書載其清靜。卽事其清靜。云作徒役者。因夏本紀有奉帝命諸侯百姓與徒以傳土。故云然也。

壺口治梁及岐

馬融曰。壺口。山名。鄭康成曰。地理志。壺口在河東北屈。梁山在左。馮翊。夏陽。岐山在右。扶風。美陽。西北。

於此言治梁及岐者。蓋治水從下起。以襄水害易也。

疏馬注見釋文。鄭注見史記集解。又見詩周南召南諸疏。及書疏。引地理志者。漢志云。河東郡北屈。禹貢壺口山在東南。鄭

于北屈下脫東南。或省文。水經。禹貢山水澤地所在。同。案北屈在今山西吉州。西山在州西南七十里。又漢志馮翊夏陽。禹貢梁山在西北。鄭脫西北。水經。禹貢山水澤地所在。云在夏陽縣西北河上。案夏陽縣在今陝西韓城縣西南。山在縣西北九十里。漢志右扶風美陽。禹貢岐山在西北。中水鄉。周太王所邑。案美陽在今陝西扶風縣。北山在陝西岐山縣東北十里。水經汾水注云。汾水南與平水合。水出平陽西壺口山。尙書所謂壺口治梁及岐也。此山在今山西汾陽縣西南。與地理志說異。云治水從下起者。書疏云。壺口西至梁山。梁山西至岐山。從東向西言之也。按梁岐是雍州山。而見于冀州。故云從下起。

既修太原。至于岳陽。**注**鄭康成曰。岳陽縣太岳之南。于地理

志太原今以爲郡名太岳在河東故縣堯東名霍太山

疏

修者廣雅釋詁云治也陽者說文云山南曰陽鄭注見詩唐風譜疏云太原今以爲郡名者地理志及郡國志

云太原都在晉陽屬并州杜氏春秋釋例云晉大國太原大夏參處晉陽一地六名案今山西太原府太原縣也云太岳在河東故縣堯者漢志河東郡垣霍太山在東冀州山案垣縣在今山西霍州西山在州東南三十里

覃懷底績

至于衡漳

注

史遷說底績爲致功馬融曰衡漳水名鄭康成曰懷縣屬河內地理志云漳水出上

黨沽縣大要谷東北至安平阜城入河行千六百八十里衡漳者漳水橫流入河

疏

覃懷者地里志河內縣有懷縣經云覃懷

者史記索隱云蓋覃懷二字或當時共爲一地之名按懷縣故城在今河南武陟縣西卽覃懷也史公說底爲致者釋言文績爲功者澤詁文也馬注見釋文鄭注見史記集解又見周禮職方氏疏及書疏引地理志云云者漢志上黨長子鹿谷山濁漳水所出東至鄆入清漳沽縣大要谷清漳水所出東北至阜城入大河過郡五行千六百八十里與鄭所引略同而鄭不引濁漳以其入清漳略之也案沽縣今山西樂平縣阜城字或譌爲邑城今屬直隸河間府云衡漳漳水橫流入河者經典衡多與橫通水經濁漳水又東北過斥章縣南注云魏太祖鑿渠引漳水東入清洹以通河漕名曰利漕渠漳津故漳水斷舊溪東北出洹流潞注而已尙書所謂覃懷底績至於衡漳者也又北逕平恩故城西按斥章故城在今直隸曲周縣東平恩故城在今山東邱縣西史記正義引括地志云衡漳水在瀛州東北百二十里平舒縣界也平舒漢之東平舒今直隸大城縣清漳水過郡五者上黨魏郡廣平鉅鹿信都也

厥土惟白壤

注

史遷厥皆作其馬融曰壤天性和美

也

史公厥皆爲其下不更出馬注見釋文以壤爲天性和美者說文云壤柔也鄭注周禮云壤亦土也變言耳以萬物自生焉則言土猶吐也以人所耕而樹藝焉則言壤壤和緩之貌然則鄭于此雖缺注義亦與馬同也

厥賦惟

上上錯

注

馬融曰地有上下相錯通率第一鄭康成曰此州入穀不貢賦之差一井上上出九夫

稅上中出八夫稅。上下出七夫稅。中上出六夫稅。中中出五夫稅。中下出四夫稅。下上出三夫稅。下中

出二夫稅。下下出一夫稅。通率九州一井稅五夫。

疏

賦者廣雅釋詁云稅也。錯者詩傳云雜也。馬注見釋文云通率第一者九州之中爲第一也。僞傳云雜出第二非馬義鄭注見

書疏及王制疏云此州入穀不貢者王制云天子百里之內以共官千里之內以爲御注云謂此州之田稅所給也官謂其文書財用也御謂衣食周禮閭師疏引鄭志云田稅如今租矣王制又云千里之內曰甸注云服治田出穀稅千里之外曰采注云九州之內地取其美物以當穀稅據此知冀州畿內惟入穀稅也詩甫田疏引鄭志云凡所貢饌之物皆以稅物市之隨時物價以當邦賦周禮太宰以九貢致邦國之用疏云諸侯國內得民稅大國貢半次國三之一小國四之一所貢者市取當國所出美物則禹貢所云厥篚厥賁之類是也據此知餘州雖有厥賁之文不入穀準其賦之類貢土物以貢此州不言厥賁以帝都所需令有司市買不煩諸侯貢篚故入穀不貢也云賦之差一井上上出九夫稅者江氏聲云孟子云夏后氏五十而貢殷人七十而助周人百畝而徹其實皆什一也又云井九百畝其中爲公田又云惟助爲有公田是則夏制什一稅夫田不盡井鄭注周禮匠人備引孟子文而云周制畿內用夏之貢法稅夫無公田是鄭氏亦謂夏時無井田也此以井計者以九夫爲井差爲九等甚便故假以言之爾王制疏云以禹貢九州有上中下三等故以井田計之是也云一井上上出九夫稅者一井之中九夫各以所收之什一爲稅上中出八夫稅者謂通九夫共出八夫所收之什一爲稅以下至出一夫稅皆謂九夫通出其什一也詩甫田疏節引此注而以爲鄭欲品其多少無所比況遂以九井擬之以示稅之多少非其實稅之也是以其賦之輕重懸殊而疑其非實稅案左氏襄二十五年傳云度山林鳩穀澤辨京陵表淳鹵數疆潦規偃豬町原防牧隰臯井衍沃疏引賈逵注以爲賦稅差品云山林之地九夫爲度九度而當一井也蔽澤之地九夫爲鳩八鳩而當一井也京陵之地九夫爲辨七辨而當一井也淳鹵之地九夫爲表六表而當一井也疆潦之地九夫爲數五數而當一井也偃豬之地九夫爲規四規而當一井也原防之地九夫爲町三町而當一井也隰臯之地九夫爲牧二牧而當一井也衍沃之地畝百爲夫九夫爲井夫曰九度而當一井非即一井出一夫稅乎其九等之差正與此九等之稅同何見而疑此非實稅耶雖此是田賦與左傳通計山林等九者不同然周禮授民田有不易一易再易則田之肥磽固有相懸數倍者且如左傳所云九等之地九州皆有苟是

州沃衍之地多，則統一州而計通率。一井可得八九夫稅，設是州山林蔽澤之地多，則統一州而計通率，出一二夫稅。況其田有不易一易再易之殊，則一井稅五夫者，有九夫稅，有一夫稅，合之共十夫，均分之，則各五夫。其八夫通二夫，七夫通三夫，六夫通四夫，均之則皆然。率一井稅五夫也。周禮授民田，不易者百畝，一易者倍之，再易者三之，通率三家而受六夫，其野則六家而受十三夫，其賦則惟計見耕之田而稅之，通而計之，則一夫之地，惟稅五十畝，故管子幼官篇云：田租百取五，卽此制也。地力肥磽，古今如一，推之夏制田賦之法，當亦一夫惟稅五十畝，故孟子曰：夏后氏五十而貢，其實什一也。熊安生禮疏云：夏政實簡，一夫之地，惟稅五十是也。

厥田惟中中 **田**馬融曰：土地有高下，鄭康成曰：

地當陰陽之中，能吐生萬物者曰土，據人功作力競得而田之，則爲之田。田著高下之等者，當爲水害

備也。

疏

田者，說文云：陳也。樹穀曰田。象四口，十阡陌之制也。爾雅釋文引李注云：田，陳也。謂陳列種穀之處。馬注見釋文，云：土地有高下者，據地勢言之，不論肥瘠也。鄭注見書疏，云：地著高下之等者，田之九等，以地形高下分之，不與賦同。漢書敘傳，

云：坤作墜，執高下九則，注引劉德曰：九則九州土田上中下九等也。是鄭本舊說。且田之九等，上者非肥，下者非磽。漢志：賈讓奏言：若有澗溉，則墜兩下，濕墾淤加肥，故種禾麥，更爲秔稻。高田五倍，下田十倍。詩信南山疏：引孝經注云：高田宜黍稷，下田宜稻麥，是田之高下，各有宜種之物，故鄭云：當爲水害備也。江氏聲云：崑崙高一千里，九州在崑崙東南，故西北高，東南下。雍州在西北，田上上，揚州在東南，田下下，推之餘州，知以高爲上，卑爲下也。王肅等云：土地各有肥瘠，不應冀州中之田，反出上上之賦。雍州田上上，反出中下之賦，其說非是。云：地當陰陽之中者，五行木火爲陽，王于春夏，金水爲陰，王于秋冬，土位中央，王于四季之間，是當陰陽之中也。云：吐生萬物者，白虎通五行篇云：土主吐含萬物，土之爲言吐也。云：據人功作力競得而田之，則謂之田者，釋名云：田，填也。五稼填滿其中也。已耕者曰田。周書多方云：畋爾田是也。

恆衛既從，大陸既作。

田

史遷恆作常，說既作曰：既爲。鄭康成曰：地理志，恆水

出恆山，衛水在靈壽，大陸澤在鉅鹿北，爾雅釋地：八藪晉有大陸。

疏

史公恆作常，地理志亦稱恆山爲常山郡。鄭注見史記集解及通典，又見周禮大司

徒疏引地理志者。漢志常山郡。上曲陽。恆山北谷。在西北并州。山禹貢恆水所出。東入潞。靈壽縣。禹貢衛水出東北。東入庫池。水經云。澠水東過中山。上曲陽縣北。恆水從西來南注之。注云。自下澠水。入納恆川之通稱焉。即禹貢所謂恆衛既從也。案上曲陽。今直隸曲陽縣。恆山在西北。恆水合澠水。在縣東北。靈壽。今屬直隸真定府。衛水在縣東北。又南流逕縣東。入庫池。鄭以大陸爲鉅鹿者。地理志。鉅鹿。禹貢大陸澤在北。案古澤在今直隸鉅鹿縣北。今則在新河寧晉二縣之交。此班氏及鄭氏義也。呂氏春秋有始覽云。晉之大陸。注云。魏獻子所居。又云趙之距鹿。注云。廣阿澤也。是則秦時說大陸鉅鹿爲二處。春秋左氏定元年傳。魏獻子田于大陸。還卒于寧。注云。疑此田在汲郡吳澤荒蕪之地。寧今修武。近吳澤。書疏引杜氏春秋說云。嫌鉅鹿絕遠。以爲汲郡修武縣吳澤也。淮南地形訓。亦分大陸鉅鹿爲二載。然則爾雅既云。晉有大陸。注以爲趙之鉅鹿廣河澤。非也。禹貢大陸。亦當以晉之吳澤爲是。在今河南修武縣。水經淇水注。引晉書地道記曰。朝歌城。本沫邑也。紂都在禹貢冀州大陸之野。卽此矣。水經濁漳水注云。自寧迄於鉅鹿。出於東北。皆爲大陸。則合大陸鉅鹿爲一。酈氏爲調停之說。疑非也。古說當從修武之大陸。

島夷皮服

注

史遷島作鳥。馬融曰。鳥夷國。鄭氏曰。鳥夷。東北之民。賦

食鳥獸者。

疏

史公島作鳥者。鳥當爲鳥。集韻三十二皓云。疊古作鳥。馬注見釋文。鄭注見史記集解及書疏。皆作鳥。疏引東北作東方。賦作搏。

夾右碣石入于河。注史遷河作

海。鄭康成曰。戰國策。碣石在九門縣。今屬常山郡。蓋別有碣石。與此名同。今驗九門無此山也。禹由碣

石山西北行。盡冀州之境。還從山東南行入河。治水既畢。更復行之。觀地肥瘠。定貢賦高下。

疏

漢書武帝紀詔

曰。東巡海上至碣石。注文類曰。在遼西蠡縣。蠡縣今罷。屬臨渝。此石著海旁。水經禹貢山水澤地所在云。碣石山在遼西臨榆縣南水中。注云。大禹鑿其石。夾右而納河。秦始皇漢武帝皆嘗登之。海水西侵。歲月逾甚。爲苞其山。故云海中矣。水經河水注。又云河之入海。舊在碣石。今川流所導。非禹瀆也。周定王五年。河徙故瀆。故班固曰。尚竭周移也。又云漢武帝元光二年。河又徙東郡。更注勃海。是以漢司空王橫言曰。往者天嘗連雨。東北風。海水溢西南。出侵數百里。故張揖云。碣石在海中。蓋淪於海水也。案臨渝今奉天府西境地。

史公河作海者。集解徐廣曰。海一作河。酈道元既云夾右而納河。則入河亦是也。鄭注見書疏。云戰國策碣石在九門縣云云者。地里志常山九門。無碣石山。郡國志常山國九門。劉昭注有碣石山。引戰國策云。在縣界。今戰國策無此文。案九門今直隸薊城縣。無山可指。故鄭云今驗九門無此山也。地里志漁陽驪成大碣石山。在縣西南。案驪成今直隸撫寧縣。屬永平府。蓋近臨渝。然則九門既無山可證。鄭云別有碣石。或以禹貢碣石在臨渝。今注脫文耳。

濟河惟兗州。注史遷兗

作沈。鄭康成曰。言沈州之界。在此兩水之間。濟一作洿。兗一作沿。

疏

兗即沈字。橫水在上。隸之變也。經文下作沈。濟本字作洿。說文洿沈也。東入于海。經

作濟。假音字。此濟出常山房子贊皇山。名石濟。今在直隸爾雅釋地云。濟河間曰沈州。注云。自河東至濟。公羊疏引李巡云。濟河間其氣專實。厥性信謹。故曰兗。兗信也。釋名云。兗州取兗水以爲名也。晉書地理志引春秋元命包云。兗端也。信也。呂氏春秋有始覽云。河濟之間。爲兗州衛也。注云。河出其北。濟經其南。沈作沿者。說文云。沈。九州之渥地也。故以沈名焉。古文作沿。又作瘞。鄭注見史記集解云。在此兩水之間者。亦如高誘注。河出其北。濟經其南也。

九河既道。注馬融曰。九

河名徒駭。太史馬頰覆釜胡蘇簡潔鈎盤鬲津。鄭康成曰。河水自上至此。流盛而地平無岸。故能分爲

九以衰其勢。壅塞故通利之也。九河之名。徒駭。太史馬頰覆釜胡蘇簡潔鈎盤鬲津。周時齊桓公塞之

同爲一。今河間弓高以東。至平原鬲津。往往有其遺處焉。

疏

九河之名見爾雅。云從釋地已下至九河。皆禹所名也。曰徒駭。書疏引李巡云。徒駭者。禹疏九河。以徒衆

起。故曰徒駭。孫炎云。徒駭。禹疏九河。用功雖廣。衆懼不成。故曰徒駭。郭注云。今在成平縣。漢地理志勃海成平。庫池河。民曰徒駭河。太平寰宇記云。滄州清池縣。本漢浮陽縣。徒駭河。九河之一。與清池相接。案成平在今直隸獻縣東南也。曰太史。書疏引李巡云。太史。禹大使徒衆通其水道。故曰太史。詩疏引孫炎云。太史者。徒衆。故依名云。釋文引或云。太史者。史官記事之處。元子欽齊乘云。太史在東光之北。成平之南。又云。當在清滄二州之間。明一統志云。太史河在南皮縣北。曰馬頰。爾雅釋文引李巡孫炎云。河勢上高下狹。狀如

馬頰也。道典云：馬頰在平原郡界。元和郡縣志云：德州安德縣，馬頰河在縣南五十里。又云：平昌縣，馬頰河在縣南十里。安德縣，今山東德州也。曰覆釜。詩疏引李巡云：覆釜者，水多清，其渚往往而處，狀如覆釜。釋文引孫炎云：水中多渚，往往而有可居之地，狀如覆釜之形。通典云：覆釜在平原郡界。齊乘云：在東光之北。明一統志云：舊志所載有覆釜枯河，自慶雲經海豐縣南入海。曰胡蘇。詩疏引李巡云：胡蘇者，其水下流，故曰胡蘇。胡下也。蘇，流也。孫炎云：胡蘇者，水流多散，胡蘇然。地理志：勃海東光有胡蘇亭。水經淇水注云：清河東至東光縣，西南逕胡蘇亭。通典：滄州東光縣，漢舊縣。古胡蘇河在此。齊乘云：滄州之南有大連灘，西踰東光，東至海是也。今在直隸滄州。曰簡。詩疏引李巡云：簡，大也。河水深而大也。書疏引孫炎云：簡者，水通易也。史記正義云：簡在貝州歷亭縣界。歷亭，今山東恩縣。屬東昌府也。曰潔。書疏引李巡云：繫言河水多山石，治之苦潔，潔，苦也。釋文引孫炎云：水多約潔，輿地廣地云：簡潔在臨津。金史地理志：滄州南皮有潔河。南皮，今直隸縣。曰鈎盤。書疏引李巡云：鈎盤言河水曲如鈎，屈折如盤也。釋文云：李本作股。云：水曲如鈎，折如入股，故曰鈎股。詩疏引孫炎云：水曲如鈎，盤桓不前也。釋文引郭氏音義云：兩般，今皆爲縣。屬平原郡。後漢書袁紹傳云：公孫瓚還屯槃河。注云：故河道在今德州昌平縣界，入滄州樂陵縣。今名枯槃河。通典云：鈎盤在景城郡。水經河水注云：大河故瀆東出，亦通謂之篤盤河。在縣東南五十里。案樂陵，今山東縣，屬武定府也。曰兩津。詩疏引李巡云：兩津者，河水狹小，可隔曰津。故曰兩津。孫炎云：兩津者，水多隱狹，可隔以爲津而橫渡也。地理志：平原兩縣，平當以爲兩津。元和郡縣志：德州安德縣，本漢舊縣。兩津，枯河在縣南七十里。案兩縣故城，在今山東德州北。詩疏云：徒駭是九河之最北者。兩津是九河之最南者。爾雅之文，從北而說也。太史馬頰鈎盤文，在胡蘇之上。則三者，在成平之南。東光之北也。簡潔覆釜文，在胡蘇之下。則三者，在東光之南。兩縣之北也。邵氏晉通云：按九河次第，詩疏以鈎盤列第四，覆釜列第八。陸氏釋文以覆釜列第四，鈎盤列第八。所見本異也。漢書溝洫志云：許商以爲古說九河之名，有徒駭、胡蘇、兩津。今見在成平、東光兩界中，自兩以北至徒駭間，相去二百餘里。今河雖數徙，不離此域。水經漳水注云：九河既播，八枝代絕，遺迹故稱，往往時存。故兩盤列於東北，徒駭瀆、漳、同逆之狀，麤分，隙隙之會猶存。是古說九河遺迹也。馬注見史記集解，鄭注見詩經疏。云：周時齊桓公塞之，同爲一河者。公羊疏引尚書中候云：齊桓之霸，遏八流以雷夏，既澤，灑沮會同。鄭康成自廣書疏引春秋緯寶乾圖云：移河爲界，在齊呂壤，遏八流以自廣，是鄭說所本也。

雷夏既澤，灑沮會同。鄭康成

曰雍水沮水相觸而入此澤中地理志曰雷澤在濟陰城陽縣西北

疏 雷夏既澤謂雷澤五帝本紀云舜耕歷山漁雷澤集解引鄭氏云雷夏兗州澤

今屬濟陰水經禹貢山水澤地所在云雷澤在濟陰成陽縣西北注云瓠子河故瀆自句陽縣西又東逕雷澤北澤在大成陽故城西北十餘里其陂東西二十餘里南北十五里即舜所漁也按句陽故城在今山東荷澤縣北雍沮水名爾雅釋水云水自河出爲澨許氏說文云河澨水在宋濮州南則宋地也史記正義引括地志云雷夏澤在濮州雷澤縣郭外西北澨沮二水在雷澤西北平地也按其水故道在今山東濮州河漫變爲平陸矣鄭注見史記集解引地理志與漢志同

桑土既蠶

鄭康成曰其地尤宜蠶桑因以名之今濮水之上地有桑間者

疏

蠶者說文云任絲也任同妊鄭注見詩譜疏云今濮水之上地有桑間者樂記桑間

濮上之音注云桑間在濮陽郡國志東郡濮陽劉昭注引博物記曰桑中在其中

是降丘宅土

注

史遷作於是民得下丘居士鄭康成曰此州寡

於山而夾川兩大流之間遭洪水其民尤困水害既除於是下丘居士以其免於厄尤喜故記之

疏

史公降作下者爾雅釋詁降下同訓降亦下也宅作居者釋言文也風俗通山澤篇引宅作度說之云堯遭洪水萬民皆山棲巢居以避其害禹決江疏河民乃下丘營度爽塏之場而邑落之故丘之字二人立一上一者地也四方高中央下像形也義與鄭同而云丘从二人與說文从北不合鄭注見書疏云夾川兩大流之間者謂河濟也

厥土黑墳厥草惟絲

注

馬融曰墳有膏肥也絲抽也草一作少

絲一作蘇

疏 馬注見釋文云墳有膏肥者鄭注周禮草人云墳壤潤解義相近墳肥聲之轉故漢地理志墳墳應邵讀墳爲肥太平御覽引倉頡解詁云驢驢多澤也墳音近脂云絲抽也者絲聲近粵說文粵木生條也玉篇作草木生條也蓋後

人因說文引商書頤木專栢之詞刪其草字生條即抽也草漢地理志作少說文云少艸木初生也讀若微漢書借爲艸字也蘇一作蘇見說文引此經云草盛貌

厥木惟條

疏

條者詩傳云長也漢書集注云分也暢也

厥田